

大同縣志卷尾

雜志

雜志者其事可存而其文無所附類者也故不必次其時代之先後不必核其事體之常變或文足以醒世或人足以勵俗或足以補先代掌故之缺畧或足以破時流識見之迂謬雖詭怪誕漫而究其指歸所以彰風教而維人心者也稗官委巷雖傳者盡爲軼事然君子亦有取焉

落星石蒼黑色方圓盈尺厚亦如之字跡磨滅不可復辨在北關真武廟其年代無考

深渚水卽桑乾河在縣之南境酈道元曰卽桑乾之轉音也

大同縣志

卷尾

雜志

一

壯觀二字相傳爲李太白書於恒山今郡齋鎮署皆摹以勒石然其筆法甚新似非唐書

南寺銅鐘唐清泰三年鑄前明何廷魁書立碑文今碑文亦不可覆考矣

銅石像金史世宗大定六年夏五月幸西京華嚴寺觀故遼諸帝銅像元史石天麟傳云遼國主后銅像在西京者今尚有之是銅像元時尚存而石像先亡矣

蝦蟆石灣石壁鐫佛字大徑丈又名佛字灣水經注武周川水東南流水側有石祇洹舍并諸窟室又東轉靈巖南鑿石開山因崖結構山堂水殿煙寺相望卽其處矣川水又東流出小站口

循山麓屈曲而南魏土地記所謂平城宮西三十里武周塞口者也

金山洞三一日三皇洞一日元天洞一日觀音洞皆係開鑿石窟粧成法相

八佛洞在七峯山陽懸崖之畔體勢險峻直與玉龍洞相等埒

元都洞在團崖山鄉傳唐天寶年建原創石洞三十六間今存者尚十餘洞

採掠洞二一在麻地溝一在道士溝土人相傳雄雌二蟒各居其一

杏花洞在小峪村南大突頂山中洞口涼風凜凜深不可測無敢

大同縣志

卷尾

雜志

二

入者

琉璃洞在大旺峪內殆以外構梵宮朱薨碧瓦因有是名

龍蟠洞在六稜山呂公坡石壁峭立並開兩洞相隔步餘東一洞

水如碧玉冬夏澄清西一洞飛泉涓滴春初始凍至三伏則冰

錐倒掛視水晶簪尤瑩秋後漸融至三九則暖氣薰蒸與塞外

沍寒迥異遊者莫不謂別有天地焉今圖入冰洞

清涼洞在大興莊石崖之間明萬曆時大旺村有人焉王姓大經

其名字繼綸別號東山鑿斯洞以隱居故半堡孫應辰爲之銘

碑存

姑姑洞在芹刃山鄉傳有道姑曾化於洞中因爲塑像

後魏道武帝始於平城立太學置五經博士生員千餘人天興二年增國子太學生員三千人帝問博士李先曰天下何物最善可以益人神智對曰書籍帝曰書籍凡有幾何如何可集對曰自書契以來世有滋益以至於今不可勝計苟人主所好何憂不集帝從之命郡縣大索書籍送平城

文獻通考

太武時大月氏國人商販京師自云能鑄石爲五色琉璃於是採礦山中於京師鑄之既成光澤乃美於西來者遂詔爲行殿容百餘人光色映徹見者莫不驚駭以爲神明所作自此琉璃遂賤人不復珍之

魏書

後魏代都明堂李冲所造三三相重合爲九室簷不覆基房間通

大同縣志

卷尾

雜志

三

街穿鑿處多迄無可取

隋書

太和中廣川王元諧薨有司奏王妃薨於代京未審以新尊從於卑舊爲宜卑舊來就新尊詔曰遷洛之人自茲厥後悉可歸骸卽嶺皆不得就塋恒代其有夫先葬在北婦今喪在南婦人從夫宜還代葬若欲移父就母亦得任之其有妻墳於恒代夫死於洛不得以尊就卑欲移母就父宜亦從之若異葬亦從之若不在葬限身在代喪葬之彼此皆得任之其戶屬恒燕身官京洛去留之宜亦從所擇

魏書

元萇性剛毅雖有吉慶事未嘗開口而笑高祖遷都萇以代尹留鎮因別賜萇酒雖拜飲而顏色不泰高祖曰聞公一生不笑今

方隔山當為朕笑竟不能得高祖曰五行之氣偏有所不入六合之間亦何事不有左右見者無不扼腕大笑魏書

道武生於參合陂北保者以帝體重倍於常兒竊獨奇怪明年有

榆生於埋胞之坎後遂成林

魏書

桓帝英傑魁岸馬不能勝常乘安車駕大牛牛角容一石帝胃中

蠱嘔吐之地仍生榆木參合陂土無榆樹故世人異之

魏書

王肅曾於省中詠悲平城詩云悲平城驅馬入雲中陰山常晦雪
荒松無罷風彭城王勰甚嗟其美欲使肅更詠乃失語云王公
吟咏情性聲律殊佳可更為誦悲彭城詩肅因戲勰云何意悲
平城為悲彭城也勰有慙色祖瑩在座即云所有悲彭城王公

大同縣志

卷尾

雜志

四

自未見耳肅云可為誦之瑩應聲云悲彭城楚歌四面起屍積
石梁亭血流睢水裏肅甚嗟賞之勰退謂瑩曰卿定是神口今
日若不得卿幾為吳子所屈

魏書

方士祁纖奏改代為萬年司徒崔浩議曰昔太祖道武皇帝應天
受命開拓洪業諸所制置無不循古以始封代土後稱為魏故
代魏兼用猶彼殷商國家積德著在國史當享萬億不待假名
以為益也纖之所聞皆非正義世祖從之

魏書

大定間上幸西京州縣官入見猛安謀克不得隨班右諫議大夫

移刺于敬奏軍民一體合令猛安謀克隨入見上嘉納之

金史

高宗興安元年詔有司為石像令如帝身既成顏上足下各有黑

石冥同帝體上下黑子論者以爲純誠所致魏書

魯元侯結從者百餘騎迎中山仇洛齊於桑乾河是後魏朝貴送

迎以桑乾河爲限也魏書

太宗嘗獵於灑南乘冰而濟冰陷沒馬王洛兒投水奉太宗出岸

水沒洛兒始將凍死太宗解衣以賜之魏書

宋史劉纘指方山曰此山去燕然遠近主客合李安世曰亦猶石

頭之與番禺耳魏書

高允年九十八被召在方山作頌志氣猶不多損談說舊事了無

所遺魏書

天興中儀曹郎董謐獻服食仙經數十篇於是置仙人博士立祠

大同縣志 卷尾 雜志 五

坊煮鍊百藥封西山以供其薪蒸魏書

太和元年十月南部尚書鄧宗慶奏民李飛王顯前詣京南山採

藥到遊越谷南嶺下見青碧石柱數百枚長者一匹相接而上

或方一尺二寸或方一尺方楞悉就請付作曹採用奏可時人

神異之魏書

太宗出遊於白登之東北內將軍都將元幹以騎從有雙鴟飛鳴

於上太宗命左右射莫能中幹自請射之以二箭下雙鴟太宗

嘉之賜御馬弓矢金帶以旌其能軍中號雙鴟都將魏書

太祖田于白登山見熊將數子顧謂冠軍于栗磳曰卿勇幹如此

寧能搏之乎對曰天地之性人爲貴若搏之不勝豈不虛斃一

壯士自可驅致御前坐而致之尋皆擒獲

魏書

嘉禾曹秋岳溶備兵陽和時嘗至昭君墓墓無草木遠而望之冥

濛作黛色古云青塚良然墓前石案刻蒙古書先生考釋最詳

搨數紙歸

按墓在歸化城去大同三百餘里故古跡不收

大同失總兵官所佩征西前將軍印職方請給新印鄭端簡時爲

主事白郎中總兵印文柳葉篆請改印文或稱別將軍或增減

其字恐原印有獲之者有事行文奏報真偽不可辨誤事非小

從年胡忠安公在禮部失行禮部之印改鑄行禮部印此在內

衙門尚然况邊鎮兵權乎郎中不以爲然

鄭曉今言

鴈北歸必銜蘆越關則輸之淮南子以爲鴈愛氣力銜蘆以避矰

大同縣志

卷尾

雜誌

六

繳俗傳以爲過海投蘆爲桴以息氣力或云輸蘆以供稅供稅

之說誕矣過海爲桴之說何秋來獨無而春始蘆耶蘆避矰繳

之說不知來時何以爲避且使上林射鴈蘆何能避耶予考鴈

從風而飛春夏南風故北飛秋冬朔風故南飛秋冬過南食肥

體重故借蘆以助風力耳塞北風高則無事此故投於鴈門關

姑識之

推蓬寤語

代王之母邳人也先是太祖嘗戰敗而奔投王母家王母曰汝朱

某耶人言汝當爲天子也因留之宿及旦辭去王母曰吾後有

娠何如帝乃貽敝梳爲質王母亦以匣中裝贈行自是果娠及

太祖卽位子且長矣王母携其子及質物上謁帝令工部草創

亦守居之不令入宮及代府既成遂分封焉故王卒得終養其
母踰於常制剪勝野聞

大定四年正月戊子上謂侍臣曰秦王宗翰有功於國何乃無嗣
皆未知所對上曰朕嘗聞宗翰在西京坑殺千人得非其報耶

金史

金初制國字立學官於西京納合椿年與諸部兒童俱入學最號
警悟久之選諸學生送京師俾上京教授耶魯教之金史

宋淳化二年命畢士安為翰林學士士安以父名父林抗章引避
朝議二名不偏諱不聽宋史

李賀以歌詩謁韓吏部時為國子博士分司送客歸極困門人呈

大同縣志

卷尾

雜志

七

卷解帶旋讀之首篇鴈門太守行曰黑雲壓城城欲摧甲光向

日金鱗開即援帶命邀之讀書隅見

漢文帝自代還有良馬九匹浮雲赤電絕羣逸驃紫鸞騶綠螭

龍子麟駒絕塵號九逸西京雜記

南徐堡在桑乾河畔野人相傳昔有店肆主人薄暮閉堡門見一

道士過堡不投宿問何往三問不答徑去店主自語曰此豈

石人不能言耶明日堡外葦園中有石人立焉即之真道士也

土人歎異莫敢動亦莫知幾百年矣乾隆四十八年春南山虎

傷堡民高姓既就得尸歸寘諸堡外空屋其夜虎尋踪至守堡

者似聞有人關空屋門其聲砰然旋聞聲入葦園撼地且動少

選虎吼去明視高尸如故但見葦園虎跡縱橫石人立處跑土成深坑土人益歎異以爲道士有靈能禦虎未可沒爲蘆中人也乃移而露立於道口意將藉爲護如世俗所樹石敢當云耳余來往數經堡初見之以爲古翁仲也旣詢此一投奇今將去雲中偶占一絕題堡壁因并述石道士之傳說如此桑乾如帶山如障人往人來一夢中古繡苔衣石道士年年獨立對東風

廣靈宋
大令集

報德寺元魏釋老志太和四年春詔以鷹師曹爲報德佛寺高祖本紀承明元年詔曰朕以虛寡幼纂寶厯仰恃慈明緝熙四海欲報之德正覺是憑諸鷲鳥傷生之類宜放之山林其以此地

大同縣志

卷尾

雜志

八

爲太皇太后經始靈塔於是罷鷹師曹以其地爲報德佛寺

崇虛寺在城南三里一名八疔迨後魏嵩山道士寇謙之太武始光初奉到書獻闕乃起天師道場於代都東南重壇五層給道士百二十人衣食齋肅祈請六時禮拜月設廚會數千人顯揚其法宣布天下真君三年正月從謙之奏親備法駕詣道壇受符籙自是道業大行踐位初必受符籙以爲故事刻天尊及諸仙像供養焉謙之又奏造靜輪宮必令高不聞鷄鳴犬吠之聲上與天神交接功役萬計經年不成九年謙之卒太和十五年八月詔曰至道無形虛寂爲主今京城之內里宅櫛比人神猥奏非所以祇崇道法清敬神道可移道壇於都南桑乾之陰岳

山之陽仍名爲崇虛寺

韓家嶺村鑿井五六尺許遇堅石廣厚無倫別試之皆同有異人過云令匠鑿開其下必清流激湍從之果然

王獻墓在城東沒賜溫明秘器宕昌公王遇監護喪事贈衛大將軍太宰并州牧謚曰宣王內侍長董醜奴營墳墓將葬孝文登城樓以望之京都文士爲作哀詩及誄者百餘人乃立獻祀於都南二十里大道右起廟以時祭薦并立碑銘置守祀五家又詔褒揚獻圖其捍猛虎狀於諸殿令高允爲之讚獻父橋贈武威王謚曰定追冊獻母賈氏爲妃立碑於墓石左父子並葬城東相去里餘遷洛後更徙葬太原晉陽故地

大同縣志

卷尾

雜志

九

永固陵在方山鎮有雙陵水經注曰方巔上有文明太皇太后陵陵之東有高祖陵二陵之南有永固堂堂之四周隅雉列樹階欄檻及扉戶梁壁椽瓦悉文石也檐前四柱采洛陽之八風谷黑石爲雕鏤隱起以金銀間雉有若錦焉堂之內外四側結兩石扶帳青石屏風以文石爲緣並隱起忠孝之容題刻貞順之名廟前鐫石爲碑獸碑石在塚左右列栢四周迷禽暗日院外西側有思遠靈圖圖之西有齋堂南門表二石闕闕下斬山累結御路下望靈泉宮池皎若圓鏡矣

萬年堂在永固陵東北里餘初高祖豫營壽宮有終焉瞻望之志及遷洛陽乃自表灑西爲山園之所而方山靈宮至今猶在號

曰萬年堂

明正統間邑人張姓世業屠且以糧粟銀錢權子母用出九入十斗秤其取息亦多非法生一子聰慧異常張遂痛改前非盡毀其斗秤賬簿子曰忽瞽張懊悔曰吾世爲不善而得賢子今甫行善而子竟失明誰謂天道有知乎自是仍蹈舊轍越一年子忽豁然開視會土木之變英宗駕返聞景宗以英宗遷南內張子自恃其聰穎赴京上章以剪除英宗爲辭私計迎合上意必當驟貴逮景宗不豫英宗復辟偶於大內得舊章遂遭滅族之刑毀其居以坑之至今張家圪坨之名其舊址也甚矣天之不忍違棄斯民也方罪惡貫盈天生一覆宗之子其人能改卽止

大同縣志

卷尾

雜志

十

不治迨終不改也然後治之世之怙過不悛者鑒此當自惕已隆慶年間代恭王心許 關帝廟外照壁石粧花屏壁一座尋製以磚工將竣壁忽自動前後仰伏狀如揮扇觀者罷市恭王懼急跪於 神前叩禱汗流浹背逾時牆稍定土自是事神益謹且每年加修葺至今樂樓後塼壁猶存

前明大同巡撫汪可受湖廣黃梅縣人能記三三一世爲秀才讀書僧寺僧有牝馬產騾駒汪愛而奪之後死冥王稽籍怒其貪暴罰使爲騾償寺僧僧愛護之欲死無間輒思投身澗谷又恐負豢養之恩冥罰尤甚遂安之數年孽滿自斃生一農人家墮尋能言父母以爲不祥殺之乃生汪秀才家秀才近五旬得男

甚喜注生而了了但憶前生以早言死遂不敢言至三四歲皆以爲啞一日父方爲文適有友人過訪投筆出應注入見父作不覺技癢代成之父返見之因問何人來家人啟白無之父大疑次日敬書一題置几上旋出少閒卽返翳行竊步而入則見兒伏案間稿已數行忽睹父至不覺出聲跪求免究父喜握手曰吾家止汝一人旣能文家門之幸也何以匿爲由是益教之讀少年成進士萬曆三十八年巡撫大同

邑人周文錦任河州副將時有楊雄者前副將之孫粵東人而家於河州者也周憐其宦裔落拓令入伍充兵藉以自給旣而同列中有蜚語謂雄與周女私周聞之怒遂杖雄逐之出境雄無

依投洮州古廟中一日方清夜自傷忽見周女至雄大恐女慰之曰無傷也次日偕雄之西寧遂出貲置房產器具僕婢儼然富室雄之叔父諱鋸者爲河州平總因公至西寧雄知之敦請至家甫登堂姪婦出拜視之則周女也大驚密詢其故雄具言之鋸歎異越日歸河州啟周屏左右並述所見周駭曰吾女現在室焉得有此使人往西寧偵之果不異周知雄必有大福遂以女妻之合卺之夕西寧女已先在室雄張惶不知所措女笑而止之曰何事迴避兒本是狐實爲報德來令祖官此地時嘗獵於土門關兒貫矢被擒令祖憫而縱之屢欲圖報不得其間茲乘此爲冰上人夙願償矣言訖出戶旋失所在後雄官至叅

將

邑人叅將郭治幼時會假寐於書屋夢一人持冰雹滿器引治至空中以器付治口隨汝意灑之治俯視田禾茂盛無地可灑遂傾於南園山水溝中醒時雷雨初佳令家人往覘之果冰雹滿溝又康熙癸未治赴京都會試客邸西鄰一婦人染狐媚延法師拘之不能遣問郭至乃言曰山西郭武舉在門吾不敢見也乾隆初邑人盛永鳳遊成都值兵荒遇一人以小車載其妻子將鬻於市相持痛哭鳳詢其故急出金以全之鳳之長子在籍年未及冠被行路人以邪藥迷憒誘出東關南園綁於樹將剖腹以取其心也忽有一老人至前衝突而散遂解其縛送之歸復

大同縣志

卷尾

雜志

十三

備語其家人舉家致謝而老人已失所在越數年鳳自成都歸家人爲述其事其年月日卽鳳在成都全人骨肉之日也一時聞者無不悚然

府快役李琮巨蠹也人皆望而側目謂當有惡報乾隆三十九年竟以壽終越三年冬十月鼓樓底肉坊屠猪脊脊上有大同府快役李琮殊字一行見者無不悚然

嘉慶初城西門王姓老人諱號個楚楚老王鰥居多年一日病且革其女常服事之後將分娩遂歸是夕老人死其女亦於是夕產一男生而有文在其手曰個楚楚老王

嘉慶二十三年七月邑人趙姓素無賴家住府城隍廟西街一日

二更後出街登園俄見府正堂儀仗在前將起避焉已被拽倒杖三十起視之俱失所在匍匐歸家其腿腫破尋死

南關農民馮寶於道光二年鬻貨綏遠復市貨而歸進殺虎口寶先行拾得白金三百五十兩坐路旁久待無人逾時車至載之歸車夫從雲中旋右玉問某錢舖失金適其堂弟因貧乏將鬻妻車夫乃揚言曰某舖白金是口如我先行必我拾則可留我弟婦矣會失金者在側問曰汝知拾金人乎曰知之請爲証曰証不難須與我錢數十千將我弟婦留下方許某果如言與之偕至雲城寶詢其實以原物付之蓋天意欲施惠於貧人而不忍其夫婦離散也乃假手於拾金其巧妙至於不可思議所謂大同縣志

卷尾

雜志

十三

天工也若馮氏子爲貪人天亦不令其拾之矣觀其坐路旁久待則其人之不欺暗室也可知吁難矣

孝廉屈朝品與陽高恩貢楊日暢相友善作秀才時二人會夜歸經太平樓北街迷路惘惘無所適聞一人厲聲曰渠二人不犯陰戒何故祟之也豁然開朗乃得歸初不解陰戒二字何所謂也後屈會試京都遊琉璃廠見古書攤蠹簡中陰曹戒律一冊急繙閱有戒書傾陷人呈詞及戒書老女歸宗退約等條乃知士貴立品鬼神之所敬憚者在此不在彼吁觀此則不自重者可危矣

九龍照壁在和陽街東高五丈寬二十丈琉璃瓦燒五色刻鱗爪

之而裝成九龍下甃方池歲旱以池水澆龍身輒雨相傳前明代府之照壁也故其北爲王城街東華門西華門基址尚存漢裴遵著王政記

宋畢士安著文集三十卷

畢仲衍著朝制要覽備對六卷又祀汾陰記五十三卷中書備對十卷

畢仲游著西臺集五十卷又元佑館職詔策詞記一卷

畢仲詢著幕府燕閒錄一卷

明郭紀著易經撮要又聽鶴軒詩集

本朝尺木和尚著銅鞮語錄

大同縣志

卷尾

雜志

十四

郡齋有石一座高三尺大近兩圍其色黝然而其文理縱橫則儼然木也相傳爲梧桐所變前太守今冀寧觀察王 加以拂拭紀以長歌近日名流頗多題咏偶見嘉慶初年廣靈縣尹秀水朱林度有句云却憐一片剛腸冷無復知音爨下收吁知言哉又朱公玉河詩云玉河橋有元遺山記不載集中文雖短而審覲實非廣作按府志興雲橋卽玉河橋也自元魏以迄唐隋皆造橋以通行旅歲久不可復詳惟金天會太定元至大泰定其修建年分人名可考今所知者有宇文虛中記邊元忠記學士虞集記遍爲蒐羅皆不知有遺山記或卽道園先生之文誤爲遺山歟姑存之以俟考訂

附志餘

縣志爲本邑而作凡人物選舉之不在邑中者登之則濫然古今地理或分或併變遷不一雁門代郡其名最古地亦最廣雁代之統雲中固已而雲中之地後世或析而爲十或析而十二大同又雲中之一耳嘗攷郡志選舉一冊載有後漢李熙王道雅閔弼皆雁門人唐進士于邵代人夫雁代之人材自古爲盛郡志祇列此數人其爲雲中人無疑矣而究其分屬於某州某縣郡志亦茫然無據焉大同立縣雖久而自古無志絕所依傍是以志及選舉倍多矜慎蓋不敢以冒濫之譏也愧讀書不多見聞不廣安知郡志之稱雁代或卽邑人耶附記於此以俟博雅者訂正云耳

大同縣志

卷尾

志餘

十五

選舉之闕疑尚惟四人稽考郡志人物一編則代人代郡人指不勝屈漢趙縮范升程緒韓珩復有雁門殷謨定襄周康子焉晉趙至魯勝亦代郡人是也北魏衛操賀訥賀悅劉羅辰燕鳳許謙長孫道生長孫肥長孫翰尉古真尉眷諾尉聿長孫觀長孫稚穆觀穆亮穆紹穆多侯穆弼穆顛和跋奚牧庾業延賀翟千古弼奚斤叔孫建叔孫俊婁伏連娥清邱堆劉尼奚眷來大千周幾豆代田周觀尉撥陸眞呂洛拔于栗磾于烈車路頭陳建陸侯陸馥陸凱陸麗陸昕陸希道陸雋羅結伊馥乙瓌和其奴苟頽薛彪子費于代尉元封勅文奚康生朱瑞綦備乙弗朗山偉宇文忠劉仁之于聞婁提朱長生于提共七十一人其姓名事實多有見於正史者

郡志彙括史事宜足以傳信然概曰代人而未能分屬於州縣究未足以徵信也及閱通志則衛操一人既見於大同府之人物而又見於代州之人物夫兩地並見亦當註其所以並見之故今細考通志不過據各處之志以為底本亦不自知其彼此重複耳以山西一省之通志尚苦於貫通之難又何論於大同府志也乎至北齊之世則有庫翟迴洛薛孤延段琛范舍樂尉相願侯莫陳相張瓊劉世清高寶寧張華原北周之時則有于謹達奚武達奚震乙弗鳳尉遲迴尉遲剛梁椿陸騰賀若敦宇文盛伊婁穆寶熾寶毅康翟峙趙昶尉遲運隋之達奚長儒侯莫陳穎尉遲崇楊義臣吐萬緒庫翟窳房兆以上諸人皆代人代郡人通志收於大同府大同縣志

卷尾

志餘

六

似足援以為據第今之志大同為本色志也雖古之代即今之雲中然應渾懷陽疆域毗連不皆古之雲中也乎哉姑備錄於此以俟後之君子知某為邑志之宜收某為邑志之不宜收則通志府志皆得以考訂矣豈不幸歟

藝文上卷中周凌曇塞北輿紡織論一篇可謂切中民生利病者矣

中輔

昔宰天鎮時曾設法以教紡織通稟

各上憲其畧云竊

以地居邊塞土瘠民貧氣寒霜早歲收甚薄閭閻生計本艱而野多曠土俗不習織衣食之源更形匱乏

卑職

用訪民情細察土性

其棄而不耕之地謂之城灘由於山水瀰漫狹沙帶泥漬而成城相度土宜必須攔沙護堰疏濬引水而後城性可變地盡可畊

卑

職生長畝畝尚能督率鄉農因時利導所難者塞北婦女自古不知紡織尺布寸縷皆買之市肆而市廛估客遠購於直隸威唐等處其價甚昂民間稼穡登場半以易布此衣食所由交困也竊思紡織為婦工之本斷無學而不能之事特未有教以紡織之人且一切器具目所未睹無由開端每見省南壽陽榆次太谷祁縣等邑機聲軋軋杼軸相聞偶逢市集抱布貿絲者踵履相接是以室家饒裕誠以民生在勤故勞則思思則善心生沃土之民尚恐其佚而忘善今以瘠貧之區而不知自勤於衣食其敝不可勝言熟計地方情形必當教以紡織庶幾開衣食之源卽以救風俗之失第紡織非婦女不能教且先須置備器皿

卑職

選擇邑內木匠二

大同縣志

卷尾

志餘

七

三人給予資斧趁此長夏前往省南學製紡車織機梭扣等物卽於省南覓僱二三堪教紡織之婦人前來令城鄉婦女羣相學習互為仿效則傳習日廣將來窮簷小戶皆可衣由自織矣蒙

巡撫部院成批教織以厚民生洵為善政仰布政司會同按察司悉心妥議詳奪

諭邑人習紡織告示

為曉諭邑中婦女學習紡織事照得本縣今在壽陽縣覓僱孫陳二姓携家攜眷廣製器具前來以教我邑中婦女習於紡織本縣給予三年工費安頓住址復公舉城中紳士用心經理凡爾貧苦婦女起手無貲者本縣復先給棉花口食且廣為製備紡機以便

堂黎新定門牌式

一家有犯九家連坐

母	祖母	伯母	叔母	兄嫂	妻	妻
氏年	氏年	氏年	氏年	氏年	氏年	氏年
歲弟婦	歲媳	孫媳	孫媳	孫媳	孫媳	孫媳
氏年	氏年	氏年	氏年	氏年	氏年	氏年
歲	歲	歲	歲	歲	歲	歲
婢	女	僕	婦	乳	姬	老
氏年	氏年	氏年	氏年	氏年	氏年	氏年
契買年	子	係村之妻	隨子女	氏係村人	雇來	媽
氏年	氏年	氏年	氏年	氏年	氏年	氏年

現在本家男婦大小丁口共十人新添丁

稽查門牌所以戢盜安民法良意美若奉行不力則視為具文今此次定力查辦務期奸宄不容良民樂業永久遵行以收實效

如有從前被惑結會燒香傳習左道例准改悔許即自行出結呈首詳請免罪至有收存經卷圖像者一律呈請銷燬均准免罪

大同縣志 卷尾

志餘

十九

十家總牌自一戶至十戶每戶一挨門懸掛週

一戶本戶共男婦大小人	二戶本戶共男婦大小人	三戶本戶共男婦大小人	四戶本戶共男婦大小人	五戶本戶共男婦大小人
年歲	年歲	年歲	年歲	年歲

一每戶只註明當家一人之名姓年歲其同居之伯叔兄弟子姪姪孫併合家婦女奴婢通共若干人無庸細列蓋已詳註於各家之門牌此則其總數也

一每戶之下存留空格一方遇有新添男丁女口及娶妻嫁女喪亡等事應隨時註明於空格之內以便稽查次年將增者加入本戶減者除之

一士農工商各勤其業則民生聚而財用足推原門牌之義豈特稽查奸宄已哉蓋欲使天下無游民也空格之內必註明執業其無業者直書之以示儆如懸牌三週尚無營業則保甲中削其戶籍不齒於族黨逐之出境不為過也

一本戶中有出仕京畿居官外省固宜備書空格即或從學遠方或牽車服賈皆為本業亦當實註何省何地若一技一藝營趁他鄉經紀本處俱可備列至庄農食力備催於人尤宜註明空格凡有執業皆良民也其有本身與兄弟子姪或庶人在官或隨營入伍俱一體填註明替以備查考

此牌十家相共一張其不足十家或四家或五家或七家亦共給一張謂之懸掛週而復始至孤丁獨婦不成一家者但付

左	年	歲	而
六戶本兵男婦	大小	人	復
右	年	歲	始
七戶本兵男婦	大小	人	日
左	年	歲	上
八戶本兵男婦	大小	人	傳
右	年	歲	下
九戶本兵男婦	大小	人	送
左	年	歲	不
十戶本兵男婦	大小	人	得
右	年	歲	推
十一戶本兵男婦	大小	人	誤
左	年	歲	無
十二戶本兵男婦	大小	人	致
右	年	歲	風
十三戶本兵男婦	大小	人	雨
左	年	歲	損
十四戶本兵男婦	大小	人	壞

大同縣志 卷尾

一門牌十戶如係同姓一宗則家庭之序秩然不紊於孝親敬長事老慈幼之道可以觸目而警心矣為族長者時時教其子弟以祇父恭兄之義訓則孝弟之心油然而生有子曰不好犯上此其基也

一此隣異姓相聚而居此即孟子所謂鄉田同井是也共此一牌舉目而見庶幾出入相友守望相助疾病相扶持者矣蓋賴此牌以聯屬之者也

一門牌中男東女西長先幼後雖庸夫俗子偶一寓目皆知男女之有別皆知長幼之有序易曰女正位乎內男正位乎外又曰父父子子夫夫婦婦而家道正明乎此則門牌之為用大矣

一門牌即古之圖籍也豈專記戶籍乎哉共此比隣而居而十戶中月增歲減觀於積善餘慶而長其子孫不善餘殃而覆其宗祀安可以小善為無益而不為以小惡為無傷而不去哉惟父詔其子兄勉其弟無貽匪僻無習晏安則俗尚敦龐而家興仁讓矣此立牌之重願也夫

志餘

三

同編其十家牌以附近十處同填一牌一月一換亦不與民戶相雜

右門牌之式大畧如此而行之在於得人非語言所能盡者至城市之中稽查門牌之外尤以巡緝奸宄為要憶道光五年冬間設立巡夜更籌頗見成效其畧云竊思巡夜支更原自古弭盜之成法其盜賊不靖者由於行之不力也即如本縣大同城中週圍十三里人烟最密大街小巷共一百三十六條向設更夫二十名巡役八名人數本少巡邏未免不周又工食不足以資養贍夜雖守更目尚營趨中宵困倦每多懈弛再三思維惟有廣捐經費多派人夫務使徹夜周巡踵履相接則奸宄無從托足前於冬初稟商本府於舊有更夫二十名外再添二十名巡役則添三十二名月支工食而逐日米糧油炭另為給足仍照向日以城內分為四

角惟東北角最寬巡役更夫用二十二人東南西南二角各二十人西北角用十八人如此則各街各巷皆有巡役更夫矣每人身掛腰牌填註名姓併所管街巷段落以備查點如巡役之鑼聲行至於街北則更夫之柝聲接應於街南迨自南者擊柝而至北則自北者敲鑼而復南其東街西巷亦如此往來梭織而又慮其偷安久歇無所督催每角用紅綠更籌二枝巡役則傳紅籌更夫則傳綠籌其紅籌自二更初點在該角之第一條街巷起綠籌自二更初點在該角之末條街巷起由本條傳交下條挨次相傳至三更三點傳遍一次則紅籌傳到末條街巷之巡役而綠籌傳到第一條街巷之更夫矣其三更之四點五點爲一夜中最爲吃緊之時每角另派值夜頭役二名周徧搖鈴督率柳鑼加謹再自四更初點又照前傳籌一次至五更三點而紅籌綠籌俱傳回到原起首處矣卽以值夜頭役分司放籌收籌之事其中如有怠惰停留者則籌往下遞之時更點早過次早無所逃責故人皆知儆然此爲五方雜處人烟繁盛之區三冬巡警設法耳地方各有所宜未可以概施也

捐資姓名

例貢胡 鎮二百兩

附貢霍宗文一百一十兩

例貢郭 璽一百兩

增附生崔宗恒盧一百兩

里民張慶捷一百兩

例貢蔡 璋八十六兩

里民胡正存

姪例貢

六十兩

候選王

綿五十兩

里民張廣緒五十兩

廩生姚培基三十兩

耆賓董明茂三十兩

童生劉 敘二十五兩

恩貢李涇培

姪附生

二十兩

附貢王萬齡二十兩

候選

次有誠二十兩

齋奏劉文俊二十兩

里民孫纘緒

姪附生

二十兩

耆賓張肇基

姪附生

十六兩

捐資姓名

里民申 昌十六兩

候選李

泰十五兩

候選

施秉忠十五兩

附生龔爾昌十五兩

附生張

振綱

十五兩

附生呂 寶十五兩

附生楊恒安十五兩

監生許長庚十二兩

耆賓劉良柱十二兩

里民焦 福十二兩

里民劉體壯

姪附生

十二兩

里民陳尚賢十二兩

里民陳 玉十二兩

恩貢姜

岳

十兩

監生施秉孝十兩

耆賓韓 斌十兩

童生張蔚如十兩

里民袁日升十兩

守備趙 瑾八兩

千總楊兆奎八兩

武舉李 洛 姪武生 八兩

監生崔志新 姪武生 十兩

附生楊鶴齡八兩

附生張潤德八兩

武生嚴 鉞八兩

武生許攀龍八兩

耆賓韓 瑋八兩

耆賓謝 偉八兩

耆賓王 鎰八兩

耆賓雷得和八兩

里民謝子靖八兩

里民呂 秀八兩

歲貢韓三接六兩

廩貢范執中六兩

都司雷 杰六兩

世職康永年六兩

世職杜永齡六兩

世職姜文淵六兩

恩貢 史 傳信 六兩

千總 史 廷 桂 六兩

捐資姓名

把總史 本直 六兩

把總趙奕猷六兩

把總韓治邦六兩

把總趙萬清六兩

馳封 覃 祥六兩

外委李德銓六兩

正賓趙廷獻六兩

齋奏劉秉良六兩

齋奏胡 鳳六兩

介賓路步青六兩

介賓葛世荃六兩

介賓姜師伯六兩

介賓蘭生林六兩

監生程 謀六兩

例貢梁 鳳六兩

廩生趙元龍六兩

廩生李大觀六兩

廩生孫 祿六兩

廩生賀 春六兩

附生劉子健六兩

縣學 附生 王萬年六兩

附生 李英六兩

附生 侯振緒六兩

附生 李朝陽六兩

附生 武良玉六兩

附生 孟建効六兩

附生 王珣六兩

附生 王紹先六兩

附生 高鳴鑾六兩

附生 楊回春六兩

附生 彭璠六兩

附生 雷乃鳴六兩

附生 祁生琳六兩

武生 李長青六兩

武生 管久安六兩

武生 魏守業六兩

武生 周冕六兩

武生 張維清六兩

武生 李文魁六兩

武生 姜世發六兩

捐資姓名

耆賓 王世振六兩

耆賓 楊士奇六兩

耆賓 周洪昉六兩

童生 安復楹六兩

童生 史紹南六兩

童生 袁鎧六兩

童生 武方六兩

童生 邢國璽六兩

里民 王敞六兩

里民 王富六兩

里民 王文漢六兩

里民 李應財六兩

里民 杜天申 姪附生 世興 六兩

里民 王良六兩

